

## UGOVOR

**o pružanju usluge provođenja jednodnevnog seminara o primjeni sistema upravljanja kvalitetom i provođenju internog audita, za uposlenike ministarstava i službi Kantona Sarajevo, prema ISO 9001:2015**  
**Broj: 20-14-33835-5/18**

Zaključen u Sarajevu 15.10.2018. godine, između:

1. **Ured za borbu protiv korupcije i upravljanje kvalitetom Kantona Sarajevo, Reisa Džemaludina Čauševića broj: 1**, koji zastupa Šef Ureda Erduan Kafedžić, kao Naručilac usluga, (u daljem tekstu: Naručilac usluga) i
2. **TUVADRIA d.o.o., Muhameda ef. Pandže b.b.**, koga zastupa direktor Muamer Peljto, kao Izvršilac usluga, (u daljem tekstu: Izvršilac usluga)

### Član 1.

Predmet ovog ugovora je pružanje usluge provođenja jednodnevnog seminara o primjeni sistema upravljanja kvalitetom i provođenju internog audita, za uposlenike ministarstava i službi Kantona Sarajevo, prema ISO 9001:2015, prema uslovima i odredbama ovog Ugovora i na osnovu prihvaćene ponude Izvršioca, zaprimljene pod brojem: 20-14-34102 od 04.10.2018. godine, koja je sastavni dio ovog ugovora. Ugovor se zaključuje na osnovu Odluke o izboru najpovoljnijeg ponuđača putem direktnog sporazuma, broj: 20-14-33835-3/18 od 05.10.2018. godine, za ponuđača TUVADRIA d.o.o. Sarajevo za „Pružanje usluga provođenja jednodnevnog seminara o primjeni sistema upravljanja kvalitetom i provođenju internog audita, za uposlenike ministarstava i službi Kantona Sarajevo, prema ISO 9001:2015“.

### Član 2.

Usluge iz člana 1. ovog ugovora obuhvataju slijedeće aktivnosti:

- Pružanje usluga provođenja jednodnevnog seminara o primjeni sistema upravljanja kvalitetom i provođenju internog audita, za uposlenike ministarstava i službi Kantona Sarajevo, prema ISO 9001:2015

### Član 3.

Usluge iz člana 2. ovog ugovora Izvršilac usluga će obavljati kvalitetno i stručno, na čemu će biti angažiran dovoljan broj stručnih lica.

### Član 4.

Naručilac usluga se obavezuje da Izvršiocu usluge stavi na raspolaganje svu potrebnu dokumentaciju, kao i informacije stručnog osoblja potrebne za uspješno obavljanje usluga iz člana 2. ovog ugovora.

### Član 5.

Rok za obavljanje svih ugovorenih aktivnosti iznosi 90 (devedeset) dana od dana zaključivanja ovog ugovora.

Član 6.

Cijena ugovorenih usluga iz člana 2. ovog ugovora, na bazi jedinične cijene date u priloženom Obrascu za cijenu ponude – usluge Izvršioca bez uključenog PDV-a iznosi 4.500 KM (slovima: četiri-hiljade-petsto KM). PDV po stopi od 17% iznosi 765,00 KM (slovima: sedam-sto-šezdeset-pet KM).

Ukupna vrijednost ugovora iznosi: **5.265,00 KM sa PDV-om** (slovima: pet-hiljada-dvjesto-šezdeset-pet KM).

Sastavni dio ovog Ugovora je ponuda zaprimljena pod brojem: 20-14-34102 od 04.10.2018. godine.

Član 7.

Naručilac usluga je obavezan da ugovoreni iznos iz člana 6. ovog ugovora isplati na transakcioni račun Izvršioca usluga kod Raiffeisen Bank dd Sarajevo, broj: 1610 0000 5853 0005, u roku od 60 (šezdeset) dana nakon provođenja seminara, na osnovu ispostavljenog računa od strane TUVADRIA d.o.o., Sarajevo.

Član 8.

Na odnose između ugovorenih strana koji nisu određeni ovim ugovorom primjenjuju se odredbe Zakona o obligacionim odnosima.

Član 9.

Sve eventualne dopune ili izmjene ovog ugovora moguće su sačinjavanjem Anex-a ugovora.

Član 10.

Ugovorne strane su saglasne da sve eventualne sporove rješavaju mirnim putem, a u protivnom ugovaraju nadležnost suda u Sarajevu.

Član 11.

Svaka od ugovornih strana može jednostrano raskinuti ovaj ugovor dostavljanjem pismene obavijesti drugoj strani sa otkaznim rokom od 15 (petnaest) dana koji se računa od prijema obavijesti.

Član 12.

Ugovor stupa na snagu danom potpisivanja od strane ovlaštenih lica ugovornih strana.

Član 13.

Ovaj ugovor sačinjen je u 4 (četiri) istovjetna primjerka od kojih po 2 (dva) primjerka za svoje potrebe zadržava svaka ugovorna strana.

**IZVRŠILAC USLUGA:**

**TUVADRIA d.o.o. Sarajevo**



**NARUČILAC USLUGA:**

**Ured za borbu protiv korupcije i  
upravljanje kvalitetom Kantona Sarajevo**



**Datum: 15.10.2018. godine**